

Lederhos'n-Tscharlie

Er lebt seit ewiger Zeit drunt am *Isarfluss*
A Leb'n in der Natur – des war sei Entschluss
Er suacht si nur Arbeit, wenn's Geld ausgeht
und der Winter kurz vor eahm steht

Er is a Freiheits-Pirat, a Überlebens-Akrobat
er is a *Isar-Indianer* und *Der Letzte Mohikaner*
In der *Pupplinger Au*, da hod er sein Bau
Aber wo – des woäß koana genau
Ja, des woäß koana so ganz genau

Des is der Lederhos'n-Tscharlie
Der schleicht im Morgengrau'n
durch die Isarau'n

Der Lederhos'n-Tscharlie
so wuid und frei

Des is der Lederhos'n-Tscharlie
Der schleicht im Morgengrau'n
durch die Isarau'n

Der Lederhos'n-Tscharlie
so wuid und frei
so wuid und frei

Er braucht koan *Moet & Chandon* und koa *Davidoff*
Er steht auf *Steckerlfisch* und *Augustiner Edelstoff*
Er hod sein rund'n, fest'n Hintern in a *Krachade* ei'backt
Des is vui frecher ois splitternackt

Und alle Madln zwischen *Freising* und *Wolfratshausen*
die dad'n so gern amoi mit eahm mausen
Doch kaum hams eahm dann endlich entdeckt
da hod er si scho wieder versteckt
Ja, da hod er si irgndwo versteckt

Refrain

Doch manche sag'n: „Kumm', schleich' di, du oida Rumtreiber
Machst die Viecha verrückt und unsere Weiber!“

Dabei hod er no neamands was doa
Er und sei Lederhos'n – die bleib'n oiwei alloa

Refrain